

Iustior tu es, quam ego. Menoch. « i. e., ego iniustus, tu vero iustus ». Ubi e duobus litigantibus unus alter iustior pronuntiatur, non eo ipso eius adversarius iustus declaratur, cf. Gen. 38, 26. Iam Deus per ipsum Saulis ex Davidis causam vindicare (v. 16) aggreditur. « Tu enim tribuisti mihi bona, ego autem reddidi tibi mala ». v. 19 « Et tu indicasti hodie, quae feceris mihi bona : quomodo tradiderit me Dominus in manum tuam, et non occideris me ». Clarius secundum Hebr. : Et tu demonstrasti mihi hodie, quod tribueris mihi bona (v. 18), quoniam, cum tradidisset me Dominus in manum tuam, non occidisti me. Mihi hodie parcendo demonstrasti, falso te insidiarum accusari, teque semper antehac bene mecum egisse. v. 20 « Quis enim, cum invenierit inimicum suum, dimittet eum in via bona ? » Via prosperitatis opponitur viæ mortis, vel simili expressioni. Saul evolvit argumentum v. 19 enuntiatum : exinde, quod David regem in spelunca dimiserit, sequitur, eum non esse inimico in illum animo, sed potius « tribuisse illi bona ». « Sed Dominus reddat tibi ricissitudinem hanc pro eo, quod hodie operatus es in me ». Ricissitudinem, i. e., beneficium (Hebr.). LXX : Si quis invenierit inimicum suum, et dimiserit eum in viam bonam, reddet ei Dominus beneficium, sicut tu hodie operatus es in me ; sed ultimum incisum ostendit, falso ita construi sententiam. v. 21 « Et nunc, quia scio, quod certissime regnatur sis, et habiturus », Hebr. et stabilicendum sit, « in manu tua regnum Israel » ; Hebr. LXX Chald. initio v. 22 reputunt et nunc — v. 22 « iura mihi in Domino, ne deles semen meum post me, neque auferas nomen meum de domo patris mei ». Unde illi Sauli certitudo suboritur? ex chlamydis abscissione, quae ex 13, 28 significacione est « regni amputatio » (*Isid.*). Abscedens Saul summittat paliū Samuelis; ex facto Davidis praescendentis oram chlamydis, inferit eundem successioni regni destinari. Accedebant alia utique indicia, dum observata. Qua re perspecta, rex illico suae posteritati prospicit, uti 20, 13 fecerat Ionathas. Ab obligatione praestiti iuramenti solutus est David, resumpta cap. 26 a Saule persecutione; accessit divinum contra domum Saul oraculum 2 Reg. 21; tamen promissi stetit David catenus, quatenus pepercit Miphiboseth, filio Ionathae. v. 23 « Et turavit David Saul. Abiit ergo Saul in dominum suum, et David et viri eius ascenderunt ad tutiora loca », ad loca inaccessa (Hebr.). Ergo parum sivebant Saulis animo versati. Non tamen ignoranda est diversa lectio Syr., בְּצִדְרָה בְּצִדְרָה : ascenderunt Maspham, sc. ad sacrificium pacis et reconciliationis offerendum. Qua cum lectione concordat, quod David 23, 1 dicatur mortuo Samuele rursum in desertum se recepisse, sive ex Maspha, sive probabilius ex Bethlehem, quo fortasse a sacrificio se receperat.

b David tollit hastam et scyphum Saul 1 Reg. 25, 1-26, 25.

Praemittuntur nuptiae cum Abigail contractae, tamquam redintegrati odii occasio.

Anc. — David a Nabale, dum is tondendorum gregum festum ageret, spretus contra illum cum armata manu nec opinantem procedit; cui in via annonam dono offerens occurrit Abigail, prudens viri uxor, cumque ut vindictae renuntiet, demulcit. Nabale brevi post subita morte sublato, Abigail David uxorem ducit, qua re incensus Saul ad pristinas reddit inimiciuitas.

Qua fine historia Abigail narretur, ex ultimo eiusdem patet versu, ubi, post commemoratas v. 43 duplices Davidis nuptias : « Saul autem », pergitur, « dedit Michol, filiam suam, uxorem David, Phalti, filio Lais, qui erat de Gallim ». Videtur igitur (*Malv.*) ex illis ipsis nuptiis revisse Saulis aversio, quasi David Saulis filiam uxorem deseruerit. Unde Saul Micholis cum Davide matrimonium dissolvit, invalide quidem, uti protestatus est David 2 Reg. 3, 14. — Initio narrationis Samuelis mors commemoratur, vel idiom solum quod eo ipso tempore contigerit, vel quod ea quoque Sauli quodammodo fuerit occasio in pristinum furorem relabendi, sublato sc. magno precatore Samuele (cf. 13, 35), qui sua veluti interposita mediatione ruinam devoti regis consue cohibuisse.

Cap. XXV. v. 1 « Mortuus est autem Samuel, et congregatus est universus Israel, et planixerunt eum, et sepelierunt eum in domo sua in Ramatha. Consurgens David descendit in desertum Pharan ». Num sponte convenit populus, an a Saul convocatus, qui studuerit solemnibus exsequiis neglectum vivi prophetae resarcire? Videtur Samuel in luctu et oratione pro Saule (cf. 13, 33) perseverasse, suis orationibus Davidem velut (cf. 22, 5) in regione Hebraeorum detinuisse; his orationibus cessantibus, mox David a Iudea, divina miseratione a Saule recessit.

Cum 28, 3 dicatur Samuel sepultus esse in Ramatha urbe sua, non absolum videatur, per domum h. l. urbem intelligi; cf. multa urbium nomina, composita cum פַּתַּח, Clair putat, domum h. l. intelligi autem vel hortum domum adjacentem; recurrat ad 2 Par. 33, 20, ubi qui 4 Reg. 21, 18 diebatur sepulcus esse in horto domus sue, referatur sepultus esse in domo. — Pharan certe non intelligitur magnum desertum Pharan, Palaestinam inter et Aegyptum, hoc enim longius aberaat. LXX legunt Maon, et consonat v. 2. Nota tamen loco, qui nunc Wadi Charonet audit, ad meridiem Bethlehemi, nomen antiquum fuisse Pharan. In hac valle Pharan aliquamdiu delituit Simon Giora (*Ios. Bell. iud.* IV, 9, 4); postea S. Chariton ib. anachoretis praefuit. Cf. R. Riess Bibletas, Freiburg i. B. — Reliquiae Samuels a Hier. (23, 343) feruntur esse in Thraciam, inde teste Nicophoro Callisto (146, 1099) Constantinopolim translatae.

v. 2 « Erat autem vir quispiam in solitudine Muon » (23, 25), « et possessio eius in Carmelo », in urbo Carmel 13, 12; Ios. 45, 55, habitatione a loco paucorum distinguitur ; « et homo ille magnus nimis ; erantque ei oves tria millia, et mille caprae ; et accidit, ut tonderetur grex eius in Carmelo ». v. 3 « Nomen autem viri illius erat Nabal, et nomen uxoris eius Abigail ; eratque mulier illa prudentissima et speciosa, porro vir eius durus et pessimus et malitiosus ; erat autem de genere Caleb ». לְבָבָה

Magnus i. e. opulentus. — *Hebr.* et intererat tonsuræ ovium Carmelæ. נַחַר cum Wellh. refer ad Nabal ; si vox sumatur impersonaliter et factum est, v. 3 concipiendum erit ut parenthesis. — *Kel* putat Nabal (*nebulo*) esse merum cognomen, aliud fuisse viri nomen : sed num solo cognomine appellarunt dicemus virum ? Reg. 2, 2 ; 3, 3, quibus locis ex officio Davidis familiæ recensetur ? — *Hebr.* durus moribusque malus ; illi naturalis dispositio, haec acquista. *Keri*, כָּלֵב *Vulg.*, *Chald.* scribunt ex Caleb progenitum, qui ea in regione parte nactus erat los. 13, 13 sqq. *Kethib* כָּלֵב *LXX Syr.* derivabant a כָּבֵב canis : ergo moribus caninis. At נַחַר, inter hanc vocem et priora inserunt, indicat non iam vitium morale exprimit (*Then.*).

v. 4 « Cum ergo audisset David in deserto, quod tonderet Nabal grem suum », qua occasione festivitas instituiebat, cf. 2 Reg. 43, 23, atque, uti ex v. 7 colligi videtur, quicunque de familia fuerant bene meriti, aliquid sibi doni expetere conueverant, uti nunc ipsum quibusdam locis ineunte anno fieri conuevit, v. 5 « misit decem iuvenes, et dixit eis : Ascendite in Carmelum, et venietis ad Nabal, et salutabitis eum ex nomine meo pacifice ». Decem mittuntur, vel ut eo numero Nabal honoretur, vel ut David digne reprezentetur, vel quod is numerus ad eam, qua exspectaretur donorum molem asportandam sufficeret videretur. v. 6 « Et dicetis : Sit fratribus meis et tibi pax, et domui tuae pax, et omnibus, quaecunque habes, sit pax ». שָׁמֶן

Vulg. negligens accentum et duram supponens contractionem, אַנְדָּלָל, veritatem fratribus meis. Wellh., eadem contractione retenta, sed accentu observato et voce eum praecedentibus inuncta : « Sic dicitis fratri meo », sc. Nabal ; sed v. 8 David se filium Nabal, non fratrem proficitur. Melius reliqui per vitam vel ad vitam. Quod explicat Ios. : « precatur, ut in multis annos idem facere illi daretur », sc. oves tondere ; seu simplicius « ad multis annos » ! — Ergo verte : Vivas ! Tam tibi pax, quam domui tuae pax, et omnibus, quae habes, pax. שָׁמֶן

v. 7 « Audivi, quod tonderent pastores tui, qui erant nobiscum in deserto. Nunquam eis molesti fuimus, nec aliquando defisi quidquam eis de grege omni tempore, quo fuerunt nobiscum in Carmelo ». Verbum כָּלְבָב habet 20, 34. His cum 23, 4 collatis docemur unam aliquam rationem, qua David sibi et suis de annonâ providebat conveverat. Pacifice cum incolis agebat, a rapina illos defendebat, deinceps opportunis tem-

poribus aliquid doni gratuitu amicissime requirebat, quod non facile quis viro sexcentis viris armatis stipato negaverit. Praeterea licet supponere, plerosque de tribu Iuda ipsi contribuli fuisse, et exempla Ziphæorum et Nabalis exceptions fuisse, non regulam. Ceterum Saul, quac in remotis illis atque desertis regni tractibus siebant, ignorabat, secus enim rem pericula vacuum non fuisse futuram, docet exemplum Achimelech 22, 11 sq. — v. 8 « Interroga pueros tuos, et indicabunt tibi. Nunc ergo inventiant pueri tui » — pueri Davidis, *Hebr.* suffixum ignorat — « gratiam in oculis tuis ; in die enim bona », i. e. festiva, largitionibus facientis præter ceteris apta, « venimus. Quodcumque inventerit manus tua, da servis tuis et filio tuo David ». Affectuosa appellatio hominum durum conciliare studet. v. 9 « Cumque venissent pueri David, locuti sunt ad Nabal omnia verba haec ex nomine David, et siluerunt ». Ita etiam *Chald.* veritatem *Hebr.* et quieverunt. *Keil* et considererunt ; sed num moris erat, ut nuntius, responso neque expectato, considereret ? v. 10 « Respondens autem Nabal pueris David, ait : Quis est David ? et quis est filius Isai ? » Cf. Ex. 3, 2 : « Quis est Dominus, ut audiam vocem eius ? » Non novi neque David, neque stirpem eius ; amicitiae ostensionem detrecto ; filius Isai non est filius meus. « Hodie increverunt » sc. numero « servi, qui fugiunt dominos suos ». Indignus est David, quem ut amicum trahunt ; insuper alii innumeri eadē mihi ratione tractandi essent. *Sanet.* : « Haec non ad Davidem solum spectant, sed etiam ad Davidis sōcios, quos servos appellat fugitivos ; et tamen reges videri volunt et alii imperare, quae sibi a victum vitaenque subsidium necessaria sunt ». v. 11 « Tollam ergo panes meos et aquas meas et carnes pecorum, quae occidi tonsoribus meis, et dabo viris, quos nescio unde sint ? » Aquas recte veritatem *Chald.* ; *LXX vinum* ; *Clair* : « Tollam ergo cibum meum et potum meum ? » v. 12 « Regressi sunt itaque pueri David per viam suam, et reversi venerunt et nuntiaverunt ei omnia verba, quae dicerat ». v. 13 « Tunc ait David pueris suis : Accingatur unusquisque gladio suo ». Ipsa dictio nitas ostendit, quantopere David eo nuntio fuerit incensus. « Et accincti sunt singuli gladiis suis, accinctusque est et David ense suo, et secuti sunt David quasi quadrangenti viri, porro ducenti remanserunt ad sarcinas ».

Sane David ira abripiebatur, eiusque consilium communiter ab interpretibus peccati argui, merito ad v. 26 et 35 affirmat *Sanet*. Cum Davidis regia unctione a populo ignoraretur, aut certe Saul nondum esset regno privatus, non erat culpanus Nabal, quod cum servum profugum reputaret. Usus quidem erat Nabal verbis iniuriosis, sed perperam David eorum poenam suis ipse manibus exigere conatus est, qui nulla ipse tum publica auctoritate insignitus esset. Quid ergo ?

Oportuit, huius etiam cause judicium Domino deferre, cf. 24, 13, 16; ut enim regis persona sacra est, ita et civium personae suam habent inviolabilitatem.

v. 14 « Abigail autem, uxori Nabal, nuntiavit unus de pueris suis dicens : Ecce David misit nuntios de deserti, ut benedicerent domino nostro, et aversus est eos », Hebr. irruit in eos, sc. verbis, invictus est in eos, cf. 14, 32; 15, 19. v. 15 « Homines isti boni satis fuerunt nobis, et non molesti, nec quidquam aliquando perierit omni tempore, quo fuimus conversati cum eis in deserto ». Hebr. quo fuimus conversati cum eis, dum versabamur in deserti; ultimum vero incisum dum etc. LXX Syr. trahunt ad sequentia. v. 16 « Pro muro erant nobis tam in nocte quam in die », defendantes nos contra praedatores deserti, « omnibus diebus, quibus pavimus apud eos greges ». v. 17 « Quam ob rem considera et recogita, quid facias, quoniam completa est malitia », decretum est malum (cf. 20, 9) a Davide, « adversum virum tuum, et adversum deponum tuum ; et ipse est filius Belial, ita ut nemo possit ei loqui »; quam ob causam ego te alloquor. v. 18 « Festinavit igitur Abigail, et tuit ducentos panes, et duos utres vini, et quinque arietes cotos, et quinque satrae polentaie, et centum ligaturas uvae passae, et ducentas massas caricarum, et posuit super asinos ». Sanct. : « Quae omnia, ut appareat, pro se suisque Nabal ad splendidum illud tonsoriumque convivium abundantanter paraverat ». Adverxit Wellh., haec omnia non fuisse destinata ad epulum sexcentis Davidis socii instruendum, ad hoc enim nequaquam sufficerent, sed ad instar doni, quale ipse v. 8 experterat.

סְנִיד, sata, σάτος, a ΣΝΔ dorivatum, aequat 13·13 lit. (Schrader ap. Riehm); res tamen non est certa. — Polenta i. e. frumenti tosti, cf. 17, 17. — Centum uvas passas. סְנִיד non videtur esse casens (Syr.), cum sit cibus, quem milites 30, 12 in itinere citissimo secum ferunt cum fici passis; ergo est aliquid genus fructus, et quidem uvae (Vulg. LXX Chald.). Etiam secus cum deis passi nominatur 2 Reg. 16, 1; 1 Par. 12, 40. Non videtur fuisse magna molis, cum Aegyptius examinis 30, 12, praeferat fragmenta palathae, reficiunt dubios סְנִיד. Teste Ges. apud Venetas hodie dum uvae passae « simmuchi » audiunt. Ducentas massas caricarum, alias palathae dictas. Eae ex fici conficiebantur 4 Reg. 20, 7, non tamen singulis constabant fici 1 Reg. 30, 12; putant auctores fuisse genus quoddam « marmelade ». Certe singulae palathae exiguae molis erant, cum Iudith 10, 5, praeferat alia nonnulla, palathas numero plures uni aunciae portandas imposuerit.

v. 19 « Dixitque pueris suis. Praecedite me, ecce ego post tergum separar vos. Viro autem suo Nabal non indicavit ». Etiam secus munera ad placandam iram oblata praemittebantur, cf. Gen. 32, 16 sqq. v. 20 « Cum ergo ascendisset asinum, et descenderebat ad radices montis, David et viri eius descendebant in occursum eius, quibus et illa occurrit ».

Verte : Et factum est, cum ipsa asino insidens descenderebat per abdita montis, ecce David et viri eius descendebant in occursum eius, et illa impedit in eos; ita subito, ut iam simul essent, antequam potuissent consilium capere, vellente colloqui, necne; unde David v. 21 primum in acerbas querelas prorupit. Si vocem descendere premas, oportebit dicere, occursum locum habuisse in aliquo saltu inter duos colles, quo utriusque simul descenderint. Abdita montis intellige loca, quibus vel conferunt arboribus, vel tramitis sinuositate prospectus interciperetur. v. 21 « Et ait David : Vere frustra servavi omnia, quae huic erant in deserto, et non perierit quidquam de cunctis, quae ad eum pertinebant : et redidit mihi malum pro bono ». Videtur David primum supposuisse, haec sibi dona Nabali nomine offerri, quem errorem v. 25 corrigit Abigail. Hinc conqueritur, se frustra obsequium praestitisse, non quasi quae sit donis esset frustatus, nam haec tandem aderant, sed quod intenderit officii viri amicitiam conciliare. v. 22 « Haec faciat Deus inimicis David, et haec addat, si reliquero de omnibus, quae ad ipsum pertinent, usque mane minigentem ad parietem ».

Haec rursus et rursum faciat Deus — sed cui? Sensum ex natura rei unice verum exhibent LXX Syr. scribentes David, nam formula hanc solemnis est, qua quis sibi malum imprecetur, non aliis. Sed Hebr. Vulg. Chald. inimicis David, quae locutio ob datum ratione vera esse non potest; quomodo orta sit, inquirendum. Calm. : « Repudiandum est igitur, hac iurandi formula David imprecari quidem sibi mala omnia, nisi de Nabal exigat ultionem; sed mali omnis evitandi gratia, nomine suo omnis, inimicorum suorum nomen substituisse ». Quod effugium, Rabbinis quidem familiare, Davide certe indignum erat. Unde commode emendavit hanc explicationem Wellh., statuens, inimicos pie a scribis hebraicis esse suppletos, ne imprecatio videatur in ipsis Davidis caput converti, iurata caede non perfecta. Sed tandem, cum סְנִיד (Syr.) et סְנִיד non ita difficile permutterat, quid vetat, quoniamus Syri lectionem servo suo David genuinam, et ex ea Hebr. Vulg. Chald. derivatam esse statuanum? — Kethib, Chald. זָה אֶת הַבָּקָר זָה, usque ad lucem matutinam, reduplicatio et corruptione orta lectio ex ράκηρ, ράκηρ, « usque mane »; plurimi etiam codices hebr. sequuntur kerî, cf. Rossi. — Expressio de « minigente ad parietem » etiam recurrit de domo Ieroboam 3 Reg. 14, 10, de domo Baasa 16, 11, de domo Achab 21, 21 et 4 Reg. 9, 8. Non intelligitur canis (Arabs, Kimchi), quia id de solis canibus maribus intelligeretur, neque quadrant, quae locis etiam adiundatur de « propinquis » etc. Intelligitur quis homo sexus masculini (Bochart I. 614 sqq., Rabbi Levi), soli enim mares in expeditionibus, qualem suscepserat David, exterminari consueverant.

v. 23 « Cum autem vidisset Abigail David, festinavit, et descendit de asino, et procidit coram David super faciem suam, et adoravit super terram », v. 24 « et cecidit ad pedes eius, et dixit : — Prima salutatio semper ex aliqua distantia fiebat, unde Abigail, a prima prostratione consurgens, propius accessit, et rursum ad pedes David supplex procubuit. Non est necesse cum LXX legere et adoravit super terram

ad pedes eius. — « In me sit, domine mi, haec iniq[ue]itas ». A me exigitur ratio eorum, quae acta sunt, cum Nabal ob stultitiam reddendae rationi impar sit. *Sanc.* : « Personam removet turpem, et honestam inducit ». Nota tamen, Abigail solum postulare, ut iniuria sibi adscribatur, et excusanda vel luenda permittatur, non autem affirmare, a se esse commissam : unde perperam *Clair* affirmat mulierem sibi postea contradicere, ubi se facti ignaram fuisse contendat. « Loquatur, obsecro, ancilla tua in auribus tuis, et audi verba famulæ tuæ ». David, loquentem non interrumpens, foeminae veniam concedit loquendi ostenditque, se excusationem, si quae proferri queat, paratum esse recipere. v. 23 « Ne ponat, oro, dominus meus rex » — vocem rex reliqui textus ignorant omnes — « cor suum super virum istum iniquum Nabal, quoniam secundum nomen suum stultus est, et stultitia est cum eo; ego autem ancilla tua non vidi pueros tuos, domine mi, quos misisti ». Argumentatur Abigail hoc modo : a Nabal, utpote stulto, factorum ratio exigi non poterat ; mearum partium fuerat, pro stulto marito tuis pueris respondere ; ast, qui id praestare potui, cum illos ne conspicerim quidem ? ab omni igitur culpa liberanda sum. Nota cum *Sanc.*, haec verba, licet in Nahalem dura sint, a sceleris tamen gravitate illum excusare. Adverte assontiam inter nomen Nabal et stultitiae etymon. v. 26 « Nunc ergo, domine mi, vivit Dominus et vivit anima tua, qui prohibuit te, ne venires in sanguinem, et salvavit manum tuam tibi ». Abigail tacite supponit, Davidem ipsi ea, quae illi ignara essent acta, viito non vertere, et extollit benevolam Dei providentiam, qua ipsa Davidi occurrit atque ita iniustam sanguinis effusionem preevenit.

Putat *Vatibi*, iuramenti formula priora confirmari, sc. Abigail adventum puerorum ignorasse ; verum *Nunc ergo* novum utique inducit argumentum. — *Ne venires in sanguinem* commode verit. *Aq.* « ne sanguinis reus fuies ». Pro et salvavit manum tuam tibi verte eadem ratione, atque v. 31, et uiscaris te manus tua.

« Et nunc fiant sicut Nabal inimici tui, et qui querunt domino meo malum ». Magis sibi devincit Davidem Abigail, imprecata inimicis eius mala : Sieut Nabal plectantur stultitia. Sensus non est : Pereant sicut Nabal ; nam mariti interitus exoptare uxorem non decebat, neque praesciebat Abigail, qua ratione paucis diebus post misere perituras esset Nabal. Abunde punitus est Nabal, si qua illi poena ferenda, ipsa sua stultitia. Sequens sententia apud *Hebr.* incipit voce *et nunc*. v. 27 « Quapropter suscipe benedictionem hanc, quam attulit ancilla tua tibi, domino meo, et da pueris, qui sequuntur te, dominum meum ». *Clair* : « Ante veniam (v. 28) implorandam, Abigail demulcere studet Davidem, primum ostendens, a Deo se illi obviam missam esse ad preeve-

nientam caudem, dein poenas appreccans inimicis eius, tandem allata dona offerens ». Quae dona, non Davidis usui directe assignat, quasi eius dignitate inferiora, sed puerorum, etiam horum animos demulcere anxia. *Benedictio* (cf. 2 Cor. 9, 5 εὐλογίαν) vocatur donum, non tam quod donans simul bona quaque appreccetur recipienti, sed quod sit benedictio a Deo accepta, ideoque aptissima, quae alteri dono conferatur : cf. Gen. 33, 41. Iam sequitur veniae petitio, vel potius absolutionis a criminis, cuius neque Abigail rea fuit, neque Nabal reus esse potuit. v. 28 « *Anfer iniquitatem famulæ tuæ. Faciens enim faciet Dominus tibi, domino meo, domum fidem, quia proelia Domini, domine mi, tu proelioras. Malitia ergo non inventatur in te omnibus diebus vitae tuæ* ». Verba optativo *Faciens faciat* ; supplicationem illico fulcit Abigail benedictionis apprecciatione. Expressionem habes 2, 33. Sequentia ita iunge : *et (quia) malitia non inventur in te cunctis diebus vitaे tuæ*, sc. quibus proeliaris et quamvis proelieris. Eiusmodi expressiones universales non sunt premendae, nec quidquam propheticum in nostra hac latet. David in vita eastrensi innocentiam servavit ; proelia Domini proeliatum est, tum quadam a Saule imperio militari honoratus est, tum exul Ceilam liberans et pastores Hebreos a praedatoribus vindicans ; dignus igitur est, qui speciali ratione a Deo remuneretur. Ad movendum Davidis animum aptissima erat apprecio *Faciat tibi Dominus domum permanentem*, cuius tota tum famili et possessio Saulis invidia misere esset disiecta. v. 29 « *Si enim surrexerit aliquando homo persequens te et querens animam tuam, erit anima domini mei custodita quasi in fasciculo viventum apud Dominum Deum tuum; porro inimicorum tuorum anima rotabitur, quasi in impetu et circulo fundae* ». Tolle enim, et pro futuro scribe optativum. *Vulg.* post בְּנֵי videtur legisse copulam, vel pro בְּנֵי legebat : קָרַב : hinc in impetu et. Reliqui omnes in medio caritatis fundae. Erat cavaitas in funda, cui inserebatur lapis. בְּנֵי usurparunt de crumena Gen. 42, 33 ; Prov. 7, 20 ; de fasciculo odoramentorum Cant. 4, 12 (13). Malum hunc alterum sensum h. 1. retinere. Iusti sunt veluti fasciculus odoramentorum, quem Dominus in sinu suo repositum habet. Porro soli iusti vere vivunt, vita sc. gratiae. Verba proxime respicunt vitam temporalem, non tamen excludit vita aeterna : *thesaurizabis eos in thesauro vitæ aeternæ (Chald.)*. Verum antithesis momentum non est in voce viventium, quasi David nullis inimicorum conatibus interimendus sit ; secus in altera antithesis parte mortem inimicorum efferi oportet. Est oppositio inter statum quietis, et statum quietis expertem. Inimicos David circumagat Deus, sicut lapis a fundatore circumagit ; non est sermo de lapide et funda proiicendo ; David autem veluti in sinu Domini requiescat, et secura fruatur vita.

v. 30 « Cum ergo fecerit Dominus tibi, domino meo, omnia, quae locutus est bona de te, et constituerit te ducem super Israel », v. 31 « non erit tibi hoc in singulum et in scrupulum cordis domino meo, quod effuderis sanguinem innoxium, aut ipse te ultus fueris ». Demulcet Davidem Abigail, tum principatum, ad quem evehendus sit, extollens, tum conscientiam pacem, qua ex adhibita nunc moderatione fruiturus sit. Percrebuerant iam, quae Davidi promissa facerunt, sive per prophetas, sive per eius fratres 16, 13, sive per Jonatham vel Saulem. « Et cum beneficerit Dominus domino meo, recordaberis ancillae tuae ». Non specialem aliquam gratiam sibi expostulat, sed, cum David divina institutione regnaturus sit, ipsa de benedictionibus regni eius participare desiderat. Aliam peraptam explicationem adstruit Sanct. ; « tunc cogniturum esse Davidem, cum ad regiam sedem sublatius fuerit, quam hoc documentum fuerit opportunum, quo nunc ab effundendo innoxio sanguine revocatus est ».

Cum ergo : δι h. l. omnes versiones intelligent temporale. — Hebr. et in effusionem sanguinis innoxii, etc. : sed eam copulam merito ignorant Vulg. LXX Chald. — In singulum et in scrupulum, utraque vox idem significat : ergo vel sacer auctor scripsit οὐδὲ δύον, vel solam scripsit vocem ηγετης, alias non usitatum, cuius explicanda gratia quidam in margine adscripsit בְּכָבֵד שְׁוֹר, quae dein additio in textum penetravit.

v. 32 « Et ait David ad Abigail : Benedictus Dominus Deus Israel, qui misit hodie te in occursum meum, et benedictum eloquium tuum », Hebr. sapientia tua (cf. v. 3), quae, Deo ita providente, iter tuum direxit, v. 33 « et benedicta tu, quae prohibuisti me hodie, ne irem ad sanguinem », sanguinis reus fierem (v. 26), « et ulciscerer me manu mea ». v. 34 « Alioquin vivit Dominus Deus Israel, qui prohibuit me, ne malum facerem tibi : nisi cito venisses in occursum milii, non remansisset Nabal usque ad lucem matutinam mingens ad paritem ». Cf. v. 22. v. 33 « Suscepit ergo David de manu eius omnia, quae attulerat ei, dixitque ei : Vade pacifice in domum tuam, ecce audiui vocem tuam, et honoravi faciem tuam », quam in terram (v. 28) supplex demiseras. Hebr. elevavi faciem tuam ; oppositum confundere faciem 3 Reg. 2, 46. 20.

v. 36 « Venit autem Abigail ad Nabal », cui ne verbum indicaverat v. 19, quique tam erat stolidus, ut, post tantam Davidi illatam iniuriam, incurios epularetur ; « et ecce, erat ei convivium », Hebr. computatio, « in domo eius, quasi convivium regis », excellenta et abundantia ciborum et potus, ubi cf. sordidam v. 1 parcimoniam ; « et cor Nabal iucundum », Hebr. hilare super illud sc. convivium, « erat enim ebris nimis ». Qualis maritus mulieris prudentia et forma eximiae ! « Et non

indicavit ei verbum pusillum aut grande usque manu »; quod ipsum erat tempus, quo ei v. 22. 34 misere fuerat pereundum, nulla salutis possibilitate relicta ; sed periculum averterat uxor. v. 37 « Diluculo autem, cum digessisset vinum Nabal, indicavit ei uxor sua verba haec, et emortuum est cor eius intrinsecus, et factus est quasi lapis », ictus apoplexia (Then.). Quare ? propter periculum, in quo fuerat, ne ebrios occideretur (Sanet.) ; ob animi acgritudinem, quod sola uxoris prudentia stultitiae poemam evasisset (Keil). v. 38 « Cumque pertransisset decem dies, percesserit Dominus Nabal, et mortuus est », repetito apoplexia ictu. v. 39 « Quod cum audisset David mortuum Nabal, ait : Benedictus Dominus, qui iudicavit causam opprobrii mei de manu Nabal, et servum suum custodivit a molo », cohibuit ab iniunctitate : ergo David non iudicabat, ius sibi fuisse, iniuriae violenter ulciscenda. « Et matitiam Nabal redditum Dominus in capit eius ». Divinae providentiae gubernatio mirabiliter in hoc facto eluxerat. Cum enim David coram Saul protestatus esset, se totum suac cause iudicium Deo permittere (24, 13. 16), cumque, ne hoc excederet proposito, Abigallis adventu esset praeventus, illico Nabal apoplexia correptus corruvit, quo se momento David sua manu ulcisci decreverat, et ita causam Davidis iudicavit Deus.

De manu Nabal refertur, non ad *opprobrii mei*, sed ad *vindicavit causam meam*, quam expressionem habes 24, 16. Nabal, Davidem servum profugum declarans, de eo suo arbitrio iudicium iuratal, consueca causam veluti manu apprehenderat. — Sententiam *Utile multum Nabal etc.* Masor. et Vulg. indubie ad orationem Davidis trahunt, non ad sequentem narrationem. Obicit Then., ita vocem « Dominus » abundare. Responde, eam vocem ex iis esse, quae quandoque in textum irreperirent ; certe omnem difficultatem tolli, dummodo sententia non cum praecedenti jungatur, sed independenter ad instar exclamationis construatur.

« Misit ergo David, et locutus est ad Abigail, ut sumeret eam sibi in uxorem ». Noverat formosam, noverat, quod plus est, prudentia eximiam, piam ; uxorem expetiit, ut deinceps ab illa, ne delinqueret, coliberetur. Erat et alia nuptiarum appetendarum ratio, quod feminam nobilem eius Iudea tractus ducens, eius regionis homines sibi Bethlehemitae devinciret. v. 40 « Et venerunt pueri David ad Abigail in Carmelum », iusto utique luctu tempore elapsi, « et locuti sunt ad eam, dicentes : David misit nos ad te, ut accipiat te sibi in uxorem ». Nabalis dominus erat in Maon, possessio Carmelae, ubi etiam eo demortuo vidua reperitur, quae 27, 3 ; 1 Par. 3, 1 simpliciter *Carmelita* appellatur. Fortasse Abigail Carmela erat oriunda, et opes Nabali in matrimonium attulerat, hisdem nunc Davidis causam illustrans et firmans. v. 41 « Quae consurgens adoravit prona in terram, et ait : Ecce famula tua sit in ancillam, ut lavet pedes servorum domini mei ». Similibus verbis

utitur iis, quibus B. Virgo angeli invitationem acceptavit. Eo usque patrata sum Davidis desiderata implere, ut vel servorum eius pedes, si opus sit, lavare non detrectem. Altere Ios., putans illam indignam se reputasse nuptias Davidicis, dignam solum, quae servorum pedes lavaret. v. 42 « *Et festinavit et surrexit Abigail, et ascendit super asinum, et quinque puellae ierunt cum ea, pedissequae eius, et secuta est nuntios David, et facta est illi uxor.* » Ita, opinione citius, impleta est Abigailis petitio v. 31, ut David sui recordaretur. *Sanet.* : « Non distulit Abigail postulata complere, neque deterruit a nuptiis aut Davidis inopia, aut sterilis et vasta solitudo, in qua vagus et profugus incertus semper sedibus errabat; neque Saulis potentia, qui nullum non movebat lapidem, ut, quem amibat coniugem, opprimeret ». Ceterum norat ipsa, illum regem futurum.

v. 43 « *Sed et Achinoam accepit David de Izrahel; et fuit utraque uxor eius.* » Cf. 27, 3; 30, 5; 2 Reg. 2, 2; 3, 2; 1 Par. 3, 4. Izrahel h. l. intelligitur, non tribus Issachar Ios. 19, 18, sed tribus Iuda Ios. 13, 56, haud procul a Maon, Carmela et Ziph sita. Putat *Menoch.*, Achinoam esse ductam ante Abigail, quod illius filius fuerit primogenitus 2 Reg. 3, 2; 1 Par. 3, 4; sed potius, quae posterius duxa fuerat, prior gignere filium, altera nullos interim liberos, aut solas feminas edente. v. 44 « *Saul autem dedit Michol, filiam suam, uxorēm David, Phalti, filio Lais, qui erat de Gallim.* » 2 Reg. 3, 15 Phaltiel. Lais, civitas tribus Benjamin, haud longe ab Anathoth Ios. 10, 33; 2 Reg. 3, 15. Reconciliationem cum Saul cap. 24 narratam aliquandiu quies subsēcūta est, qua usus est David ad rem familiarem nuptiis stabilendam. Duplicibus vero Davidis incensu nuptiis, reddit iam Saul ad pristinas insidias, abdente se Davide in prioralibetna. Saul, ubi ille versaretur, a Ziphiacis didicit, ultra fortassis obsequium obturidentibus, resumente animos tota tam in aula quam per regionem Davidi adversa factio. Quid mirum, ex rebus tam analogis ortum esse eventum, cap. 26 narrandum, alteri cap. 24 narrato valde similem, neque tam eundem? — Ceterum v. 44 etiam sic veriti potest: *Dederat autem Saul Michol etc.* Sic ipse Saul, nullo accepto praetextu, Davidi iniuriam intulisset abla uxore; is vicissim in locum unius regia stirpe ortae duas substituisset honesto et opulento loco natas.

Anc. — Saul Davidem rursus insecurus in colle Hachila castra ponit. Quo noctu penetrans David regem quidem interimere recusat, hastam vero et scyphum auferit. Dein exadversa rupe somno sopitos compellans divinam iis, qui regem in se incitaverint, iram impetratur, suumque simul consilium aperit excedend tandem terra sancta.

Cap. XXVI v. 1 « *Et venerunt Ziphaei ad Saul in Gabaa, dicentes:*

Ecce David absconditus est in colle Hachila, quae est ex adverso solitudinis. » *Hebr. a facie,* 23, 19 ad dexteram, i. e. ad meridiem deserti, ut ib. explicavimus. v. 2 « *Et surrexit Saul, et descendit in desertum Ziph, et cum eo tria millia virorum de electis Israel, ut quaereret David in deserto Ziph.* »

Numerum videtur secum sumpsisse eundem, quem 24, 3: non enim numerus in causa fuerat, cur Davidem non apprehenderit ante. Ceterum ex 13, 2 videtur consnevisse Saul, tria virorum millia etiam pacis tempore secum retinere: ergo, tam 24, 3 quam h. l., duxit adversum David, quotquot secum habebat. Fortasse etiam illa cohors praeatoriana, a numero militum primitus illi adscriptorum, dicta est trium millium cohors, licet plures pauciores habere milites, sicut postmodum Persarum selecta cohors dicta est decem millium immortalium.

v. 3 « *Et castrametatus est Saul in Gabaa Hachila* », i. e. in colle Hachila cf. v. 1, « *quea erat ex adverso solitudinis, in via;* » secus viam, non aliquam viam, quibus verbis castrorum locus describitur, non collis, cuius situs iam sufficienter describatur. Porro David videtur, colle relicto, penitus in desertum se abdidisse. « *David autem habitabat in deserto.* » *Videns autem, quod venisset Saul post se in desertum,* v. 4 « *misit exploratores, et didicit, quod illuc venisset certissime.* » *Illuc addidit Vulg. explicationis gratia.* זְכָרְנָה וְתַעֲמִיד Vulg. Chald. certissime. *Syr.* habet post se, si tamen haec vox reapse sit versio vocis hebraicae. Sed quid tandem hoc est: David videns, quod venisset Saul post se, didicit per exploratores, quod venisset post se? vel: *Videns David, quod venisset Saul post se, didicit, quod venisset certissime?* *LXX* οὐαὶ γε τῷ Κριζῷ, ubi ἔτοιμος εστιν νόος, et τῷ Κριζῷ prohibilius est corruptio aliqua utriusque vocis. Ceterum expressio hebr. etiam verti potest: in locum paratum, vel in locum erectum, prominentem, in promontorium (?). v. 5 « *Et surrexit David clam, et venit ad locum, ubi erat Saul, cuncte vidisset locum, in quo dormiebat Saul et Abner, filius Ner, princeps militiae eius, et Saulem dormientem in tentorio, et reliquum vulgus per circuitum eius.* » v. 6 « *ait David ad Achimelech Hethaeum et Abisai, filium Sarviae, fratrem Ioab, dicens: Quis descendit mecum ad Saul in castra? Dixitque Abisai: Ego descendam tecum.* » Invitatio ad utrumque dirigebatur, sed Achimelech, hoc solo loco nominatus, videtur illam silentio declinasse, indignus porro, cuius nomen inter heroas David recenseretur.

Clam soli Vulg. LXX habent; non tamen sensu caret ea vox (Wellh.), cum potuerit David clam reliquis suis sociis profici. — נְזָבֵב, quod Vulg. recte vertit tentorium, ab נְזָבֵב rotundum esse, Chald. vertit circumvallatio, Keil « arx planitorum »: sed mirum est, Saalem intra circumvallationem vel arcem dormivisse, reliquos omnes

extra eandem. Cf. dicta ad 17,20. — *Hebr. et respondit David ad Achimelech : נַעֲמָה cum sequente נְכֹנָה usurpar etiam Deut. 21,7 ; 26,5, nulla praecedente interrogatio ne, quamvis vel in einsmodi locis respondendi significatio non penitus desideratur : Achimelech et Abisai, silentio adstantes Davidi, dum castra Saulis observarerat, ipsa praeuentum et obtutu, quid facto opus esset, interrogabant. — Saruia, soror David 1 Par. 2,16, eo utique longe maior matu, mater item fuit Asaelis.*

v. 7 « *Venerunt ergo David et Abisai ad populum nocte, et invenerunt Saul iacentem et dormientem in tentorio, et hastam fixam in terra ad caput eius, Abner autem et populum dormientes in circuitu eius* ». Fixa erat hasta ad caput, ut illlico eam prehendere posset rex in nocturno tumultu ; non (*Keil*), ut qua sceptrum indicaret, ubinam decumberet rex, id enim indicabat ipsum tentorium, cf. Iudith 13,8. v. 8 « *Dixitque Abisai ad David : conclusit Deus inimicum tuum hodie in manus tuas; nunc ergo perfodiam eum lancea in terra semel, et secundo opus non erit* », *Hebr.* et non iterabo et iustum. *Hebr.* feriam cum lancea et in terra, quod recte uti *Vulg.* vertunt *LXX Chald.* — v. 9 « *Et dixit David ad Abisai : Ne interficias eum; quis enim extendet manum suam in christum Domini, et innocens erit?* » Verbum נִתְחַנֵּן sensu translato, ut videtur, proxime exemptionem a poena significat, et nonnisi consequenter a culpa : Ex 21,19 ; Num.5,31 ; Ps. 18 (19),14 ; Ind. 13,3. v. 10 « *Et dixit David : Vivit Dominus, quia, nisi Dominus percusserit eum, aut dies eius venerit, ut moriatur, aut in proelium descendens perierit* », v. 11 « *propitius sit mihi Dominus, ne extendam manum meam in christum Domini* ». Opposito est inter varias causas mortis : nisi morbo (cf. 23,38) inopinatoe eventu interierit, aut senio confectus, aut proelio interemptus fuerit (*Theodoret.*), at certe manu mea nunquam peribit. « *Nunc igitur tolle hastam, quae est ad caput eius, et scyphum aquae; et abeamus* », v. 12 « *Tulit igitur David* », de manu Abisai accipiens, « *hastam et scyphum aquae, qui erat ad caput Saul, et abiuerunt. Et non erat quisquam, qui videret et intelligeret et evigilaret, sed omnes dormiebant, quia sopor Domini irruerat super eos* ». Cf. Gen. 2,21.

Ergo etiam scyphus, ut hasta, ad caput regis erat ; aqua pro potu universim sumitur, cf. 25,11 et 3 Reg. 19,6 ; perperam igitur *Clair* intelligit vas ablutionibus faciendis destinatum. — בְּאֶתְבָּשָׁה ad caput eius explicant, vel ut substantivum locale ad verbialiter positum : e regione capitis ; vel ut coalescens e praepos. נְכֹנָה et substantivo בְּאֶתְבָּשָׁה, quod terminacione plur. fem. supperaddit terminacionem plur. masc. (*Gos.* §. 86), ergo : de regione capitis. Alteri huic explicationi favei, h. l. et Ier. 13,18 reapse δέ subintelligendum esse, quod etiam h. l. expresserunt *LXX Chald.* *Syr.*, et aliis textus 19,13. 16 ; 26,7.11 ; 3 Reg. 19,6 ; Gen. 28,11. 18 optime per δέ posse explicari. — Qui videret, aut perciperet, aut evigilaret. Trium verborum distinctio haec esse potest : quandoque homo somno excitatus distincte videt, quae aguntur ; quandoque semisomptus et clausis oculis tamen confuse percipit, aliquid periculi in-

gruere ; quandoque strepitu aliquo excitatur, quin illo modo viderit aut perciperit, quid agatur.

v. 13 « *Cumque transcendisset David ex adverso, et stetisset in vertice montis de longe, et esset grande intervallum inter eos* », v. 14 « *clamavit David ad populum et ad Abner, filium Ner, dicens : Nonne respondebis, Abner? Et respondens Abner, ait : Quis es tu, qui clamas et inquietas regem?* » Adverte sermonis concinnitatem, ob locorum distantiam. Clamare נִזְבַּח non est « clamare ad regem » (de *Wette*), loquitor enim David ad populum et ad Abner, non vero ad regem ; sed *clamare versus regem seu in caput regis* (*Chald.*), ita ut solus sonus, non sensus ad ipsum dirigatur ; ergo ita, ut ipse incommodetur (*Vulg.*). — Grande intervallum erat, non necessario linea recta, sed itinere descendente et ascendente, aliquo circuitu fortasse implicato : videtur enim aliqua vallis fuisse interiecta. Locus, ubi constituti David, fere aequo altus fuisse videtur atque ille, ubi castra fixerat Saul, secus difficilis exaudita esset vox. v. 15 « *Et ait David ad Abner : Numquid non vir tu es? et quis alius similis tui in Israel?* » Vir es prae ceteris robustus et fortis, qui et pugnare et vigilare faciliter ope queas. « *Quare ergo non custodisti dominum tuum regem? Ingressus est enim unus* » i. e. aliquis « de turba, ut interficeret regem dominum tuum ». Multum differt haec narratio ab illa cap. 24. Ibi David angebat animo ob praeccasim chlamydis oram, hic lanceam et scyphum audacter auferit ; ibi ipsum regem humillime alloquitur, hic ironice militiae principem. v. 16 « *Non est bonum hoc, quod fecisti. Vicit Dominus, quoniam filii* », i. e. rei, « *mortis estis vos, qui non custodistis dominum vestrum, christum Domini. Nunc ergo vide, ubi sit hasta regis, et ubi sit scyphus aquae, qui erat ad caput eius* ». Neglectae custodie accusatio confirmatur tum facta ablatae lanceae et scyphi, tum Davidis notitia eius facti.

v. 17 « *Cognovit autem Saul vocem David, et dixit : Numquid vox haec tua, fili mi David?* » Idem, quibus 24,17, affectibus movetur Saul. Simil eius, quod iam ex sono vocis cognoverat, confirmationem quaerabat, nam Davidis formam prae tenebris discernere hand valebat. « *Et ait David : Vox mea, domine mi rex* ». v. 18 « *Et ait : Quam ob causam dominus meus persecutur servum suum? Quid feci, aut quod est malum in manu mea?* » v. 19 « *Nunc ergo audi, oro, domine mi rex, verba servi tui : Si Dominus inicit te adversum me, odoreatur sacrificium; si autem filii hominum, maledicti sunt in conspectu Domini, qui cicerunt me hodie, ut non habitem in haereditate Domini, dicentes : Vade, servi diis alienis* ». Rursum attende, quanto pere differant haec verba ab iis, quae David cap. 24 ad Saulen loqueba-

tur : ibi regem demulcere, hic magis eundem terrere studet. — David se innocentem esse omnino supponit : ridiculum enim est, si is, qui vere est reus, rogareret regem, ut pro sceleris expiatione sacrificium offerri permittat, et ita rem componat. Ergo non est vertendum cum Chald. *sacrificium meum*, cum de sacrificio, non a Davide, sed a Saulo offerendo agatur. Iamvero, Davidis innocentia supposita, duo tantum Davidis animo occurrunt, qui persecutionis instigatores esse possint : Deus aut homines malevoli. Deus ad iniustitiam instigare potest non aliter, quam subtracta gratia, qua tentationis resistatur, hancque non subtrahit, nisi in poenam praevii eiusdem delicti. Ergo, in hac hypothesi, placandus erit a Saul, oblatu aliquo sacrificio : olficiat igitur Deus sacrificium, (*LXX* *Syr.* *olficiat aliquis, ergo olficiat*). Adverte, quam delicate David innat, posse aliquid culpae esse in ipso Saul, simul exprimere desiderium, ut ea culpa non puniat, sed sacrificio eliminetur, omnemque maledictiōnem pro aliis inimicis reservans. Simul manifestat consilium deserendae *haereditatis Domini*, i. e. terrae sanctae, populi electi, cum suo cultu et ceteris omnibus gratis. Eo tandem, inquit, eorum hominum malitia res iama perduta est, ut consilium inierim terra sancta excedendi ; morali necessitate me expellunt, cum evidenti religiosis periculo (*Theodoret.*) ; unde equivalenter dicunt : Vade, servi diis alienis.

v. 20 « *Et nunc non effundatur sanguis meu in terram coram Domino* ». Verbis his non vitam deprecatur a Saulo (*Menoch.*) sed propositionum abeundi enuntiat : tota oratio nequam est deprecatoria. Supple : abibo igitur in terram alienam. Iam assignat rationem, cum illud proposatum inierit, quod sc. rex Israel se persequatur, contra quem fas sibi non sit vitam defendere vi : « *Quia egressus est rex Israel, ut querat pulicem unum, sicut persequitur perdix in montibus* ». Animal ignobile persequitur, ac si esset nobiliorum illorum animalium aliquid, quod venatores persequi conserverunt.

בְּכָרֶב non est « procul a Domino » (*Then.*), sed *coram Domino* (*Vulg.* *LXX* *Chald.*), quem sensum alias etiam praepositio habet. David non vult terram sanctam, in qua Dominus specialiter praesens est, suo sanguine innocentis effuso desecrari. — *LXX* *quia egressus est rex Israel, ut querat animam meam, sicut persequitur perdix in montibus* ; pro שׁׁלֵב legū שׁׁלֵב, רַחֲמָה omittit, que vox non ita raro in s. textum irrepit. Pro lectione LXX inter alia militat particula *תְּנִשְׁאָר*, quae bene individualis animas Davidis, non vero indeterminato pulci praefigit. Perperam igitur recentiores aliqui, ex hoc textu cum 24, 15 collato, offenserunt, nostro capite idem, quod cap. 24, narrari factum, diversa tamen ratione. — *Persequitur* (*Vulg.*) intellige passive, ut *Chald.*, punctandum *רַחֲמָה*, *venatione agitur*. *Masor.* *רַחֲמָה* active : *sicut venatur Saul, vel aliquis perdiem*. False omnino *LXX* : *sicut venatur nycticorax*, « quasi conferretur rex cum nycticorax, qui pulices suos caperet » (*Cler.*). — Innumeris obicit *Then.*, perdicem esse camporum amantem, non montium : ubique enim illa abundat.

v. 21 « *Et ait Saul : Peccavi ; revertere, fili mi David ; nequaque enim ultra tibi maleficiam, eo quod pretiosa fuerit anima mea in oculis tuis hodie. Apparet enim, quod stulte egerim, et ignoraverim multa nimis* ». ^{נִזְבֵּן} errorem significat ex ignorantia commissum, cf. Gen. 43, 12; Ps. 48 (19), 13 : adhuc igitur Saul excusare se nititur. v. 22 « *Et respondens David, ait : Ecce hasta regis ; transeat unus de pueris regis, et tollat eam* ». v. 23 « *Dominus autem* », a te enim accepti beneficii retributionem iam non exspecto, « *retribuet unicuique secundum iniustitiam suam et fidem : tradidit enim te Dominus hodie in manum meam, et notu extenderet manum meam in christum Domini* ». *Iniustitia et fidelitas intelligitur Dei. Verba tradidit te Dominus hodie in manum meam*, quae etiam 24, 11 habentur, sunt illustratio verborum 23, 14, quae totius huius narrationis tesseram esse monimus : « *et non tradidit eum (Davidem) Deus in manus eius* ». v. 24 « *Et sicut magnificata est anima* », i. e. vita, « *tua hodie in oculis meis, sic magnificetur anima mea in oculis Domini, et liberet me de omni angustia* ». Ommem fiduciam David in Deo reponit, nullam omnino in promissis Saul. v. 25 « *Ait ergo Saul ad David : Benedictus tu, fili mi, David. Et quidem faciens facies, et potens poteris* ». Verba futuri annuntiationem potius, quam boni appretiationem continent : Benedictus eris, non sis ; certissime perficies, certissime superabis ; cf. 24, 21. « *Abiit autem David in viam suam, et Saul reversus est in locum suum* ».

PARS III. DAVID INTER PHILISTHAEOS EXUL 1 Reg. 27-31.

ARG. — Historice eventus narrantur, neque tamen sine arte. Sublato Samuele, cuius precibus ruina domus Saul eousque differebatur, excedit regione David et, qua erat prudentia, Gethacorum brevi favore sibi conciliat ; Saul, in extremam abreptus vesaniam, quem vivum neglexerat prophetam, mortuum evocare attentat. Dein David, a Philisthaicis ex acie dimissus, Amalecites praedones consequitur atque fundit, atque sic eo ipso tempore Victoria clarescit, quo Saul cum filiis infelici proelio occumbit. Ita David ipsis eventibus, Deo providente, successor designatur, a quo uno reipublicae salus speranda sit.

4) David secedit ad Achis 1 Reg. 27, 1-12.

Cap. XXVII v. 1 « *Et ait David in corde suo : Aliquando incidam una die in manus Saul* », — Hebr. *perdar in manus Saul* — : « *nonne melius est, ut fugiam et salver in terra Philistinorum, ut desperet Saul, cassetque me quatrcere in cunctis finibus Israel ? Fugiam ergo ma-*